



GEORGIUS DAVIDSONUS
Comiti *ABOINIO*,

Vicesimo secundo *Aprilis* die,
ipsius Natali, Anno 1717.

S. P. D.



UI ferant fulmen creat ales acer,
Et leo fortis generat leones,
Gignit & *Peleus Jovis* ipse magni
Sanguis *Achillem*.

Hercules summo à *Jove* ducit ortum,
Clari & *AEneam* generant Parentes,
Et tui fortes Atavi creantur
Sanguine Divûm.

A

Queis

Queis nihil Fasti memorant, ABOINI,
 Clarius, quorum genus atque censum
 Maximum virtus superat, potensque
 Dexterâ bello:

Qui, triumphatis feritate notis
 Hostibus, sceptrum & quoque SCOTICAM rem
 Saepe firmârunt, patriae & dederunt
 Otia tefrae.

Cùm sacros Reges premerent Rebelles
 Hoste pejores valido exteroque,
 Saepe GORDONI haec domuere regnis
 Monstra timenda.

Non secùs terror Superùm Gigantes,
 Monstra *Phlegraeis* superata campis,
 Missa senserunt *Jovis* à rubenti
 Fulmina dextrâ.

SCOTIAM cùm *Mars* quateret tremendus,
 Atque mutaret ferus ima summis,
 Clarior fulsit solitò Tuorum
 Vivida virtus.

BRUSSIUS, magni similis *Camilli*,
 Pellit hostiles patriâ catervas,
 Et videt quantum venit HUNTILAEIS
 Fulmen ab armis.

Utque

46. 11. 3. 656.



Utque GORDONAM genus est STUARTUM,
 Quo nihil majus meliusve vixit,
 Semper expertum sobolem fidelem
 Rebus in arctis :

Sic eam semper Patria in fecundis
 Rebus & duris sceleris dolique
 Vindicem vidit, miseris benignam,
 Omnibus aequam.

PATRIBUS confer Proceres *Quirini*,
 Vestra Gens *Scauros*, *Fabios*, *Metellos*,
 Et suos *Drusos* habet, atque *Cossos*,
Fabriciosque.

Ex eis verum docilis laborem
 Atque virtutem, placidosque mores
 Disce, quò te Gens amet HUNTILAEA, &
 Laudet Alumnum.

Illa Gens omnes colit ac amat, quos
 Candidi mores, animique virtus
 Nobiles reddunt, Atavumque dignos
 Stirpe creari.

AEstimes nolim genus aut minoris,
 Pluris aut aequo, teneris sed annis
 Numinis summi sapienter uti
 Munere discas.

Semitas qui non Proavûm relinquit,
Quos Avos jactant alii, aemulatur,
Esse eis & se patitur minorem
Tempore solo:

Ast Avis qui fit minor atque pejor,
Et tamen jactat genus, esse prodit
Dedecus sese Generis, Suorum
Degener heres.

Major est tali & potior Parentum
Pauperum sanguis, modò servet aequum,
Quique Majorum tabulam potentum
Non habet ullam:

Nam pudor castus, pietas, fides &
Veritas nullo temerata fuso
Sunt verendorum potiora longo
Stemmata Patrum.

Cui manus purae, & sine fraude mores,
Quique virtutem meritis Parentum
Addit, & Stirpem decorat, meretur
Nobile nomen.

Auguror, nomen tibi comparabis
Tale, & aeternos meritis honores,
Ac legent feri tua digna Divis
Facta nepotes:

Namque

Namque candorem tua mens nivalem
 Vincit, ac annos animus virilis,
 Qui, DEO & Regi Patriaeque natus,
 Grandia spondet.

Et memor magni Generis, bonorum
 Imbuis pectus monitis, studesque
 Non tuae Gentis minùs esse clarus
 Sanguine claro.

Ergo NATALEM celebremus alnum,
 Quem notâ laeti numeremus albâ,
 Et tuo prompti Genio litemus
 Ture meroque.

Tu manu pronâ facilique vina
 Funde CRANSTONO Juveni decoro,
 Quemque fraterno colis ac honoras
 More sodalem:

Qui, licèt magnus titulis Avorum,
 Moribus major tamen est modestis,
 Atque erit claris, nisi fallor Augur,
 Maximus ausis.

HAJUS HAJORUM similis recumbat,
 Qui jugis torvi intonuere faevis,
 Atque *Cimbrorum* innumeros dedêre
 Stragis acervos.

Cumque

Cumque NISBETO referente Patrem,
 Ritè qui gazis fruitur benignus,
 Estque opum largis pariterque rerum
 Gratus egenis,

Adsit insignis viridi juventâ
 Impiger CARUS, sapiensque BELUS,
 Ac sciens rerum generosus ARBU-
 THNETUS, ABOINI:

Et bibant tecum laticem *Lyaeum*,
 Ac joci misti sale cum venusto
 Excitent risus, hilarent serenos
 Gaudia vultus.

Tu potes Festum celebrare tutus,
 Gaudio & temet recreare doctus,
 Et voluptati tibi blandienti
 Ponere metas.

Qui modum ponit sibi gaudiisque,
 Et citae mortis memor usque vivit,
 Mente erit laetâ placidâque, summo
 Tempore vitae.

Seculum inversum & scelus omne cernens,
 Spe piâ fretus melioris aevi,
 Caede funestâ cupiet madentes
 Linquere terras.

Inde

Inde calcabit pedibus suprema
Sidera & nubes, & ovans inibit
Lucidas sedes, Superûm Parenti
Hospes amatus.



[7]

Inde calcabit pedibus inprimis
Sidera & nubes, & ovans inibit
Lucidas sedes, Superum Parenti
Hospes amicus.



